

■ GLOSSA

Vischnancas perdidas èn turnadas

DA SILVIO CAMENISCH

So, nus vischnancas piunieras ans essan decididas da turnar cun ricla activa en chasa paterna. Ves'ins, nossa ricla fima a nus total radioactiva ord la chavellera tschurricla, retschavend noss bab patern nus vischnancas piunieras perdidas, puspè turnadas. Betg embratscha e bitscha nus uschia enturn culiez ed avantchasa, papi, tut la-suenter vesan, tgisan tai activistas da vitg u cumün en silenzi, Dorffrauenrechtlerinnen, has la merda.

Nu'essas er stadas? Turnais sappiadieu quant malegiadas, quant studegiadas e fatg sin multiculturali, dà si cotschen e nair las buccas, stgatlas plainas novs meds d'instrucziun, educaziun e religiun che nus na lain betg, nus betg. Da tgi avais survegnì, da tgi prendì quai da buna fai? Savais tge quai è da buna fai? Na na, n'ha da far nagut cun durmir en il fain, che booma er qua cun l'agriturissem. Tanscha para betg pli cun turissem, drova agriturissem u tge.

Voss bab patern, el è er etern, la mamma i na sa gea betg esser, ha fatg



fitg fitg gronds quitads! Cun ina giada fiss el ì da rendì, senza vesair pli sias figlias piunieras perdidas, a temp turnadas. È vesais, tge ch'igl ha nizzegià e per saldo purtà, dad ir lunsch davent da chasa, giu Cuira, betg savair novas da turnar! Sut il stritg n'hai betg purtà. Betg che vus sajas forsa stadas sin il stritg! Da Tavana Hinter dem Bahnhof èsi in stritg cun la cotschna giu Cuira, ed i vegn tegnì sin dumonda.

Nus avain manà ina vita lischada, fatg putgà encunter il tschiel u sontg parvis, er egal, reservà tutta stad a l'unìun religiusturistica d'Origen; è er vegnì fatg reclama aggressiva aposta en tuts bus da posta. Nus na savevan betg

ch'ina unìun sappia reservar per sai il tschiel tutta stad or!, n'è mai vegnì communitgà explicit uschia, uschiglio avessan tuts, è gea cler. En il tschiel d'Origen è ins avert per tuttas linguas, er linguas parallelas na vegnan betg diabolisadas, also verteufelt, bainvulent tant per in latin da baselgia sco da chatschaders, sto mo servir a la chaussa, also zweckgebundensein, sco nus schain. Nus schain sco nus savain e pudain; nus pudain adina nua ch'i fa sem, eh, senn natiralmain.

Per noss cletgun essan nus ans scuntradas cun in Jäger aus Khurpfalz, total pacifist e Gutmensch sco nus schain. Il tip ha ditg jau savess sajettar sin tgenina preda leva che mo plaschess, ditg sincera-main. Faschain nus betg. Per quella giada smatgain nus dus egls, sajettain dasper. In cumpromiss. Turnais a chasa cun in Regio, da la regiun per la regiun, schais a voss bab ch'il Jäger haja tramess e pajà il bigliet. È la tschaina pronta? u che nus essan pront puspè si e davent, ordaifer a tschaina.

silvio.camenisch@bluewin.ch